

## Германиг негдүүлгънă туск тöрин комитетин пресс-конференц

БЕРЛИН. (ТАСС). Западн Берлин, урдк нацистирин болн дăанă буру-бусхл гаргъсн улс цуглрдг газрт хуврв. Западно-берлинск йосдин болн западно-берлинск развелкин гардврт, 80-гар шпионск болн диверсионн центрмуд, ГДР-н öмнăс провокационн болн хорлтин кöдлмшин тöлă äмт цуглулджацхана.

Эн герчллгъиг, Германиг негдүүлгънă туск тöрин комитетин пресс-конференц, ГДР-н министрмудин Советин ахлачин дарук Г. Лох кев. Западн Германьд болн Западн Берлинд, урдк гитлеровцир, орнутгин политическ болн экономическ халхсин гардач йосдт бääхиг иддкгч оln докумен-

тальн материалмуд эн медүлв.

Западн Берлинă бääллин тускар Г. Лох, милитаристск 74 организац— „Стальной шлем“, „Кифхойзербунд“, „Медведь“ гидг гитлеровск дивиз болн нань чигн багмуд бääцä, тер организацсин чледин харгългън, слет кегднă гж заав.

Тöвкнун бääлгънă болн немш оln-äмтнă öмнăс зөрүлгдлжăх, Западн Берлинд цуг шпионск центрмудин болн милитаристск организацсин уулдврмудиг, Западнберлинск сенат уурулх зöвтă гидж Ганс Лох герчлв. Тиигхлă, Германă кучр-хату бääдл суллгънур сән ишкдл кегдăд, Берлин тöвкнун бääлгънă балгъснд хуврх билă.